

საპრედიქციო პროგნოზის კვლევა

II კვარტალი, 2024



საქართველოს ეროვნული ბანკი
National Bank of Georgia

საკრედიტო პირობების კვლევის მიზანი და მეთოდოლოგია

საქართველოს ეროვნული ბანკი 2013 წლიდან ატარებს საკრედიტო პირობების კვლევას. გამოკითხვა ონლაინ პლატფორმის საშუალებით ტარდება, ხოლო რესპოდენტებს საბანკო სექტორის მაღალი რგოლის მენეჯერები წარმოადგენენ. კვლევის მიზანს რესპოდენტებისაგან დაკრედიტების მიმდინარე და სამომავლო ტენდენციებზე ინფორმაციის მიღება წარმოადგენს. კერძოდ, კვლევა მოიცავს კითხვებს ფიზიკური და იურიდიული პირების სესხებზე მოთხოვნისა და დაკრედიტების საპროცენტო და არასაპროცენტო პირობების ცვლილებაზე, ასევე კითხვებს ამ ცვლილების გამომწვევი ფაქტორების შესახებ.

კითხვარი შედგება მხოლოდ ხარისხობრივი შეკითხვებისაგან და არ მოითხოვს რესპოდენტთა მხრიდან რაოდენობრივ შეფასებას. ინფორმაციის რაოდენობრივ ერთეულებში გარდაქმნისათვის გამოყენებულია საბალანსო სტატისტიკის მეთოდოლოგია. ინდექსი მერყეობს -100-დან 100-მდე. 100 აღნიშნავს, რომ გამოკითხულთა 100% აღიქვამს ტენდენციის მნიშვნელოვან გაუმჯობესებას. ინდექსი -100 აღნიშნავს, რომ რესპოდენტთა 100% მნიშვნელოვან გაუარესებას აღიქვამს. 0 აღნიშნავს, რომ ტენდენცია არ შეცვლილა გასულ კვარტალთან შედარებით. ინდექსის დათვლისას რესპოდენტთა პასუხებს თანაბარი წონა აქვთ მინიჭებული, განურჩევლად ბანკის ზომისა.

გამოკითხვის შედეგების ანალიზის საფუძველზე ყოველ კვარტალურად ქვეყნდება ანგარიში. გარდა კვლევის საბოლოო შედეგებისა, აღნიშნული ანგარიში მოიცავს ოფიციალურ სტატისტიკურ ინფორმაციას დაკრედიტების ტენდენციების შესახებ.

ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს.

საკრედიტო პირობების კვლევა

მოკლე შეჯამება	4
ბიზნესის დაკრედიტების პირობები და ტენდენციები.....	5
ფიზიკური პირების დაკრედიტების პირობები და ტენდენციები	9
დიაგრამა 1. ბიზნეს სესხების მოთხოვნისა და საკრედიტო პირობების ცვლილება.....	5
დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები.....	6
დიაგრამა 3. საპროცენტო განაკვეთები და საკონტრაქტო ვადიანობა ბიზნეს სესხებზე.....	7
დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი	8
დიაგრამა 5. ფიზიკური პირების სესხებზე მოთხოვნისა და საკრედიტო პირობების ცვლილება	9
დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები	10
დიაგრამა 7. სესხის მომსახურებისა (PTI) და უზრუნველყოფის (LTV) კოეფიციენტების განაწილება.....	10
დიაგრამა 8. ფიზიკურ პირებზე გაცემულის სესხების საპროცენტო განაკვეთები და საკონტრაქტო ვადიანობა	11
დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში	12

მოკლე შეჯამება


საკრედიტო პირობების კვლევის მიხედვით, 2024 წლის მეორე კვარტალში, წინა კვარტალთან შედარებით, ბიზნეს სესხებზე მოთხოვნა გაიზარდა. საბანკო სექტორის წარმომადგენლები მომდევნო კვარტალში ბიზნეს სესხებზე მოთხოვნის მცირედ ზრდას მოელიან. ამავე კვლევის მიხედვით, მეორე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის უცხოურ ვალუტაში უმნიშვნელოდ გამკაცრდა. საბანკო სექტორის წარმომადგენლები მომდევნო კვარტალში საკრედიტო პირობების მცირედით გამკაცრებას ელიან. გარდა ამისა, რესპოდენტების აზრით, მომდევნო კვარტალში საპროცენტო განაკვეთები შესაძლოა შემცირდეს ეროვნული ვალუტით გაცემული სესხებისათვის, ხოლო უცხოური ვალუტის სესხებისთვის შესაძლოა გაიზარდოს.

საკრედიტო პირობების კვლევის მიხედვით, 2024 წლის მეორე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა მცირედით გაიზარდა და, რესპოდენტების აზრით, მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდა კვლავ მოსალოდნელია. კვლევის მიხედვით, ფიზიკურ პირებზე გაცემული სესხებისთვის დაკრედიტების პირობები მცირედით შერბილდა. რესპოდენტები მომდევნო კვარტალში დაკრედიტების პირობების შერბილებას კვლავ მოელიან. საბანკო სექტორის წარმომადგენელთა აზრით, მომდევნო კვარტალში იპოთეკური სესხების საპროცენტო განაკვეთების მცირედით ზრდაა მოსალოდნელი უცხოურ ვალუტაში.

ბიზნესის დაკრედიტების პრობები და ტენდენციები

საკრედიტო პრობების კვლევის მიხედვით, 2024 წლის მეორე კვარტალში, წინა კვარტალთან შედარებით, ბიზნეს სესხებზე მოთხოვნა გაიზარდა. საბანკო სექტორის წარმომადგენლები 2024 წლის მესამე კვარტალში ბიზნეს სესხებზე მოთხოვნის მცირედ ზრდას მოელიან. ეროვნული ბანკის ხელთ არსებულ მონაცემებზე დაყრდნობით, 2024 წლის მეორე კვარტალში, წინა კვარტალთან შედარებით, ბიზნეს სესხების პორტფელის ზრდამ 22.8%¹ შეადგინა. ბიზნეს სესხების ზრდაში უცხოური ვალუტით გაცემულ სესხებს შედარებით მეტი წვლილი შექონდათ. მნიშვნელოვანია აღნიშნოს, რომ ბიზნეს სესხების ზრდა სექტორულ ჭრილში ძირითადად ვაჭრობისა და მშენებლობის სექტორების დაკრედიტებამ განაპირობა. საკრედიტო პრობების კვლევის მიხედვით, 2024 წლის მესამე კვარტალში საბანკო სექტორის წარმომადგენლები ბიზნეს სესხებზე მოთხოვნის მცირედ ზრდას მოელიან (იხ. დიაგრამა.1).

დიაგრამა 1. ბიზნეს სესხების მოთხოვნისა და საკრედიტო პრობების ცვლილება²



წყარო: საკრედიტო პრობების კვლევა, სეპ.

2024 წლის მეორე კვარტალში, წინა კვარტალთან შედარებით, დაკრედიტების პრობები ბიზნეს სესხებისთვის უცხოურ ვალუტაში უმნიშვნელოდ გამკაცრდა. დაკრედიტების პრობების მცირედით გამკაცრება ძირითადად ეკონომიკური ტენდენციების ცვლილებას უკავშირდება (იხ. დიაგრამა 2). ეროვნული ბანკის ხელთ არსებულ მონაცემებზე დაყრდნობით, ეროვნულ ვალუტასა და ევროში გაცემული სესხებისათვის ვადიანობა მცირედით გაიზარდა, ხოლო, დოლარში გაცემული სესხების შემთხვევაში, აღნიშნული მცირედით შემცირდა (იხ. დიაგრამა 3). საბანკო


¹ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

² საკრედიტო პრობებისა და მოთხოვნის ცვლილების ინდექსი მერყეობს -100-დან 100-მდე. 100 აღნიშნავს, რომ რესპოდენტების 100% აღიქვამს ტენდენციის მნიშვნელოვან გამკაცრებას/ზრდას; -100 აღნიშნავს მნიშვნელოვან შერბილებას/შემცირებას; 0 აღნიშნავს, რომ ტენდენცია არ შეცვლილა გასულ კვარტალთან შედარებით. 2024Q3* ასახავს საბანკო სექტორის წარმომადგენლების მოლოდინებს 2024 წლის მესამე კვარტალზე.

სექტორის წარმომადგენლები მომდევნო კვარტალში საკრედიტო პირობების მცირედით გამკაცრებას ელიან.

ეროვნული ბანკის ხელთ არსებულ მონაცემებზე დაყრდნობით, ივნისში, მარტთან შედარებით, საპროცენტო განაკვეთი თვის შიგნით ეროვნული ვალუტით გაცემულ მსხვილ ბიზნეს სესხებზე 0.2პპ-ით 11.6%-მდე შემცირდა.³ ივნისში, მარტთან შედარებით, თვის შიგნით ევროთი გაცემული მსხვილი ბიზნეს სესხებისთვის საპროცენტო განაკვეთი 0.3 პპ-ით შემცირდა 8.9%-მდე, ხოლო დოლარით გაცემული სესხებისათვის აღნიშნული 0.1 პპ-ით შემცირდა 9.5%-მდე. მცირე და საშუალო ბიზნეს სესხებისთვის, ივნისში, მარტთან შედარებით, საპროცენტო განაკვეთი ეროვნული ვალუტით გაცემული სესხებისთვის 12.5%-მდე შემცირდა. რაც შეეხება უცხოური ვალუტით გაცემულ სესხებს, ევროთი გაცემული სესხებისთვის საპროცენტო განაკვეთი 0.3 პპ-ით გაიზარდა და 7.3% შეადგინა, ხოლო დოლარით გაცემული სესხებისთვის საპროცენტო განაკვეთი, 0.4 პპ-ით 8.8%-მდე გაიზარდა (იხ. დიაგრამა 3). რესპოდენტთა პასუხებზე დაყრდნობით, უმნიშვნელოდ შემცირდა განაკვეთი ფიქსირებული განაკვეთით გაცემულ ლარის სესხებზე, ხოლო უცხოური ვალუტის შემთხვევაში, აღნიშნული არ შეცვლილა. გამოკითხულთა აზრით, მომდევნო კვარტალში საპროცენტო განაკვეთები შესაძლოა შემცირდეს ეროვნული ვალუტით გაცემული სესხებისათვის, ხოლო უცხოური ვალუტის სესხებისთვის შესაძლოა გაიზარდოს.


დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები ⁴



წყარო: საკრედიტო პირობების კვლევა

³ ახალ, IFRS-ულ ფორმებზე გადასვლის გამო, მარტში საპროცენტო განაკვეთების მონაცემები დაზუსტდა.
⁴ დიაგრამა საკრედიტო პირობების ცვლილებაში თითოეული ფაქტორის წილს ასახავს. დადებითი წილი მიუთითებს ფაქტორის წილს გამკაცრებაში, ხოლო უარყოფითი შერბილებაში.

დიაგრამა 3. საპროცენტო განაკვეთები და საკონტრაქტო ვადიანობა ბიზნეს სესხებზე⁵



წყარო: სეზ.


2024 წლის მეორე კვარტალში, წინა კვარტალთან შედარებით, უმოქმედო სესხების წილი ბიზნეს სესხებში არ შეცვლილა.⁶ მეორე კვარტალში, წინა კვარტალთან შედარებით, უმოქმედო სესხების წილი ჯამურად ბიზნეს სესხებში არ შეცვლილა და 2.8%-მდე შეადგინა. ვალუტების ჭრილში, უმოქმედო სესხების წილი ეროვნული ვალუტით გაცემულ ბიზნეს სესხებში 0.1 პპ-ით, 2.6%-მდე შემცირდა. ხოლო, აშშ დოლარით გაცემულ ბიზნეს სესხებში უმოქმედო სესხების წილი 0.1 პპ-ით შემცირდა და 3.0%-მდე შეადგინა. რაც შეეხება ევროში გაცემულ სესხებს, უმოქმედო სესხების წილი ამ შემთხვევაში 0.2 პპ-ით გაიზარდა და 2.9%-მდე შეადგინა (იხ. დიაგრამა 4). საკრედიტო პირობების კვლევის მიხედვით, საბანკო სექტორის წარმომადგენლები მომდევნო კვარტალში ბიზნეს სესხებში უმოქმედო სესხების წილის ცვლილებას არ მოელოებიან.

2024 წლის მეორე კვარტალში, წინა კვარტალთან შედარებით, უარყოფილი სასესხო განაცხადების წილი უმნიშვნელოდ გაიზარდა. მეორე კვარტალში, წინა კვარტალთან შედარებით, უარყოფილი სასესხო განაცხადების წილი ეროვნული ვალუტით გაცემულ მცირე და საშუალო ბიზნეს სესხებში, უმნიშვნელოდ, 21%-მდე გაიზარდა, ხოლო უცხოური ვალუტით გაცემული სესხებისთვის აღნიშნული მაჩვენებელი 9%-ის ფარგლებშია. რაც შეეხება მსხვილ ბიზნეს სესხებს, მეორე კვარტალში, წინა კვარტალთან შედარებით, უარყოფილი სასესხო განაცხადების წილი ლარში 0.7 პპ-ით გაიზარდა, 1.3%-მდე, ხოლო უცხოურ ვალუტაში 0.6%-მდე შემცირდა (იხ. დიაგრამა 4).

⁵ საპროცენტო განაკვეთი თვის შიგნით გაცემულ მცირე და საშუალო და მსხვილი ბიზნეს სესხების ნაკადებზე.

⁶ უნდა ითქვას, რომ 2023 წლის ივნისიდან, მესამე კვარტალის ანგარიშში, სესხების ხარისხის მაჩვენებლები მოცემულ და შემდეგ ნაწილში დათვლილია IFRS-9-ის მიდგომის შესაბამისად.

დიაგრამა 4. ბიზნეს სესხებში უმოქმედო⁷ და უარყოფილი სასესხო განაცხადების წილი




წყარო: სეზ.

⁷ უმოქმედო სესხების მაჩვენებლები 2023 წლის ივნისამდე ეროვნული ბანკის მეთოდოლოგიით არის დათვლილი. ხოლო ივნისიდან მოყოლებული აღნიშნული IFRS 9-ის მეთოდოლოგიას ეფუძნება.

ფიზიკური პირების დაკრედიტების პრობები და ტენდენციები

საკრედიტო პრობების კვლევის მიხედვით, 2024 წლის მეორე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა მცირედით გაიზარდა. რესპოდენტების აზრით, მომდევნო კვარტალში ფიზიკურ პირებზე გაცემულ სესხებზე მოთხოვნის მცირედი ზრდა კვლავ მოსალოდნელია. ეროვნული ბანკის ხელთ არსებულ მონაცემებზე დაყრდნობით, მეორე კვარტალში, წინა კვარტალთან შედარებით, ფიზიკურ პირებზე გაცემული სესხების გაწლიურებულმა ზრდის ტემპმა⁸ დაიკლო და 17.9% შეადგინა (იხ. დიაგრამა 5). ვალუტების ჭრილში ფიზიკურ პირებზე გაცემული სესხების ზრდა მნიშვნელოვანწილად კვლავ ეროვნული ვალუტით გაცემულმა სესხებმა განაპირობა. საბანკო სექტორის წარმომადგენლები მომდევნო კვარტალში ფიზიკურ პირებზე გაცემულ სესხებზე მოთხოვნის მცირედ ზრდას მოელიან.

დიაგრამა 5. ფიზიკური პირების სესხებზე მოთხოვნისა და საკრედიტო პრობების ცვლილება⁹



წყარო: საკრედიტო პრობების კვლევა, სებ.


2024 წლის მეორე კვარტალში ფიზიკურ პირებზე გაცემული სესხებისთვის დაკრედიტების პრობები მცირედით შერბილდა. რესპოდენტების პასუხების მიხედვით, დაკრედიტების პრობების მცირედით შერბილება ძირითადად დაკავშირებულია რეგულატორული პოლიტიკის ცვლილებასთან და ფინანსურ ბაზარზე კონკურენციის ზრდასთან. ეროვნული ბანკის ხელთ არსებულ მონაცემებზე დაყრდნობით, 2024 წლის მეორე კვარტალში, წინა კვარტალთან შედარებით, სესხის ვადიანობა იპოთეკური სესხებისთვის თითქმის არ შეცვლილა. უნდა აღინიშნოს, ისიც რომ სესხის უზრუნველყოფის (LTV) კოეფიციენტის განაწილების შემთხვევაში

⁸ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

⁹ იხ. დიაგრამა 1-ის მეორე შენიშვნა.


წინა კვარტალთან შედარებით, გაიზარდა იმ სესხების წილი რომელთა LTV ნაკლებია 40%-ზე. მსგავსი ტენდენცია შეინიშნება სესხის მომსახურების კოეფიციენტის (PTI) შემთხვევაშიც. თუმცა, მთლიანობაში, რესპოდენტთა აზრით, დაკრედიტების პირობები მცირედით შერბილდა (იხ. დიაგრამა 6-8). რესპოდენტები მომდევნო კვარტალში დაკრედიტების პირობების შერბილებას კვლავ მოელოან.

დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები ¹⁰



წყარო: საკრედიტო პირობების კვლევა

დიაგრამა 7. სესხის მომსახურების (PTI) და უზრუნველყოფის (LTV) კოეფიციენტების განაწილება




წყარო: სვბ.

¹⁰ იხ. დიაგრამა 2-ის შენიშვნა.

საპროცენტო განაკვეთები ფიზიკურ პირებზე ადგილობრივი ვალუტით გაცემული სესხებისთვის შემცირდა, ხოლო უცხოური ვალუტის შემთხვევაში მცირედით გაიზარდა.¹¹ კერძოდ, ივნისში, მარტთან შედარებით, ეროვნული ვალუტით გაცემული სამომხმარებლო სესხებისთვის საპროცენტო განაკვეთი 16.8%-მდე შემცირდა. ლარში გაცემული იპოთეკური სესხებისთვის საპროცენტო განაკვეთი 11.5%-ის ფარგლებშია. რაც შეეხება უცხოური ვალუტის სესხებს, საპროცენტო განაკვეთი აშშ დოლარით გაცემული იპოთეკური სესხებისთვის 0.23პ-ით გაიზარდა და 7.7% შეადგენს, ხოლო ევროთი გაცემული სესხებისთვის 6.6%-ის ფარგლებშია (იხ. დიაგრამა 8). გამოკითხულთა აზრით, მომდევნო კვარტალში იპოთეკური სესხების საპროცენტო განაკვეთების მცირედით ზრდაა მოსალოდნელი უცხოურ ვალუტაში.

დიაგრამა 8. ფიზიკურ პირებზე გაცემული სესხების საპროცენტო განაკვეთი და საკონტრაქტო ვადიანობა¹²



წყარო: სტბ.

2024 წლის მეორე კვარტალში, წინა კვარტალთან შედარებით, უმოქმედო სესხების წილი¹³ ფიზიკურ პირებზე გაცემულ სესხებში უმნიშვნელოდ შემცირდა. კერძოდ, ეროვნული ბანკის ხელთ არსებულ მონაცემებზე დაყრდნობით, უმოქმედო სესხების წილი იპოთეკურ და სამომხმარებლო სესხებში მცირედით შემცირდა და 1.8% და 2.3% შეადგენს, შესაბამისად. ვალუტების ჭრილში, ევროთი გაცემულ იპოთეკურ სესხებში უმოქმედო სესხების წილი გაიზარდა 2.4%-მდე, ხოლო დოლარში შემცირდა 1.8%-მდე. რაც შეეხება ეროვნული ვალუტით გაცემულ იპოთეკურ სესხებს, უმოქმედო სესხების წილი შემცირდა 1.7%-მდე (იხ. დიაგრამა 9).

¹¹ ახალ, IFRS-ულ ფორმებზე გადასვლის გამო, მარტში საპროცენტო განაკვეთების მონაცემები დაზუსტდა.


¹² საპროცენტო განაკვეთი ფიზიკურ პირებზე თვის შიგნით გაცემულ სესხების ნაკადებზე.

¹³ უმოქმედო სესხების მაჩვენებლები 2023 წლის ივნისამდე ეროვნული ბანკის მეთოდოლოგიით არის დათვლილი. ხოლო ივნისიდან მოყოლებული აღნიშნული IFRS 9-ის მეთოდოლოგიას ეფუძნება.

საბანკო სექტორის წარმომადგენლები 2024 წლის მესამე კვარტალში სამომხმარებლო სესხებში უმოქმედო სესხების წილის მცირედით ზრდას მოელიან.

2024 წლის მეორე კვარტალში უარყოფილი სასესხო განაცხადების წილი შემცირდა. მეორე კვარტალში, წინა კვარტალთან შედარებით, უარყოფილი სასესხო განაცხადების წილი ეროვნული ვალუტის სამომხმარებლო სესხებში 41%-მდე შემცირდა. გარდა ამისა, იპოთეკურ სესხებში, უარყოფილი სასესხო განაცხადების წილი, როგორც ეროვნული, ისე უცხოური ვალუტის შემთხვევაში შემცირდა და 28% და 27% შეადგინა, შესაბამისად (იხ. დიაგრამა 9).

დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში



წყარო: სეზ

პასუხისმგებლობის შეზღუდვის განაცხადი

ანგარიში მომზადდა საქართველოს ეროვნული ბანკის ფინანსური სტაბილურობის დეპარტამენტის ფინანსური სტაბილურობის ანალიზისა და მაკროფინანსური მოდელირების განყოფილების მიერ. ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს. ანგარიშში წარმოდგენილი სტატისტიკა დაკრედიტების მიმდინარე ტენდენციაზე განკუთვნილია მხოლოდ მიმდინარე ანალიტიკური მიზნებისთვის, რადგანაც აქ წარმოდგენილი ზოგიერთი მონაცემი შესაძლოა დაექვემდებაროს პერიოდულ გადახედვას და შესაბამისად, ისინი შეიძლება შეიცავდეს გაზომვის ცდომილებებს. მიუხედავად იმისა, რომ ყველა ზომა მიღებული მონაცემთა დროულად, კორექტულად და სრულყოფილად წარმოსადგენად, საქართველოს ეროვნული ბანკი არ იძლევა გარანტიას მონაცემთა სრულ სიზუსტეზე. მიმოხილვაში გამოქვეყნებული ზოგიერთი მონაცემი შესაძლოა განსხვავდებოდეს ეროვნული ბანკის ვებ-გვერდზე "სტატისტიკის" რუბრიკაში გამოქვეყნებული მონაცემებისგან, რადგანაც გაანგარიშებებში გამოყენებულია საზედამხედველო მონაცემები.

მონაცემები წარმოდგენილია 28/06/2024-ის მდგომარეობით.

დამატებითი კითხვებით შეგიძლიათ მიმართოთ ბექა გურგენიძეს

ელ-ფოსტა: Beka.gurgenidze@nbg.gov.ge ტელ: (+995) 555 173618



საქართველოს ეროვნული ბანკი
National Bank of Georgia

საქართველო, თბილისი 0114, სანაპიროს 2

(995 32) 2 406 406

info@nbg.ge; www.NBG.ge